

Grad Novi Pazar

Skupština grada

Odbornička grupa SDA Sandžaka

Novi Pazar

15. maj 2021. godine

P R E D S J E D N I K U

SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O POKRETANJU INICIJATIVE ZA FORMIRANJE REGIONALNE SLUŽBE CIVILNE ZAŠTITE**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja je zakazana za 17. maj 2021. godine.

Predsjednik odborničke grupe

Ahmedin Škrijelj

PRIJEDLOG

Na osnovu člana 13. i člana 88. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 46. stav 1. tačka 57. i člana 147. Statuta grada Novog Pazara („Službeni list grada Novog Pazara“, br. 10/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 17. maja 2021. godine, donosi

O D L U K U

o pokretanju inicijative za formiranje Regionalne službe civilne zaštite

Član 1

Skupština grada Novog Pazara pokreće inicijativu za formiranje Regionalne službe civilne zaštite.

Član 2.

Grad Novi Pazar uputiće poziv opštinama Tutin, Sjenica, Prijepolje, Priboj i Nova Varoš, za zajedničko uspostavljanje Regionalne službe civilne zaštite.

Regionalna služba civilne zaštite uspostaviće se od jedinica lokalne samouprave koje prihvate da pristupe istoj.

Član 3.

Poziv za pristupanje Regionalnoj službi civilne zaštite u ime grada Novog Pazara, sa prijedlogom Sporazuma, uputiće Gradonačelnik.

Član 4.

Obavezuje se nadležno odjeljenje Gradske uprave za izvorne i povjerene poslove da sačini prijedlog Sporazuma o uspostavljanju Regionalne službe civilne zaštite i dostavi ga Skupštini grada na usvajanje.

Član 5.

Sporazumom o uspostavljanju Regionalne službe civilne zaštite urediće se naročito: naziv i sjedište Regionalne službe civilne zaštite, vrsta, obim i način obavljanja poslova, način finansiranja, upravljanje i nadzor nad radom, pristupanje sporazumu drugih jedinica lokalne samouprave, postupak istupanja odnosno odustajanja od sporazuma jedinice lokalne samouprave, saradnja sa republičkim organima i službama, prava i obaveze zaposlenih, kao i druga pitanja od značaja za osnivanje, rad, djelovanje, funkcionisanje i prestanak rada Regionalne službe civilne zaštite.

Sporazumom o uspostavljanju Regionalne službe civilne zaštite utvrdiće se i principi i modeli saradnje sa jedinicama lokalne samouprave drugih država, naročito lokalne samouprave sa prostora južnog Sandžaka odnosno Republike Crne Gore i Kosova te mogućnost i uslovi njihovog pristupanja Regionalnoj službi civilne zaštite.

Član 6.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, _____. _____. 2020. godine

PREDSJEDNIK

Dr. Anela Šemsović

O B R A Z L O Ž E N J E:

Pravni osnov za donošenje odluke:

Pravni osnov za donošenje ove odluke sadržan je u:

- članovima 13. stav 1 i 2, i 88. Zakona o lokalnoj samoupravi;
- članovima 46. stav 1. tačka 57. i 147. Statuta grada Novog Pazara („Službeni list grada Novog Pazara“, br. 10/19); i
- članu 137. Poslovnika Skupštine grada Novog Pazara („Službeni list grada Novog Pazara“, broj 6/19),

Razlozi za donošenje odluke:

Imajući u vidu značaj civilne zaštite kao modela organizovanja organa javne vlasti, institucija i građana radi koordiniranog djelovanja na upravljanju vanrednim situacijama, uspostavljanju sistema zaštite i spašavanja ljudi, materijalnih i kulturnih dobara, životne sredine i životinja od elementarnih nepogoda, tehničko-tehnoloških nesreća, zaraza, udesa i katastrofa, ratnih i drugih nesreća, i zaštite od svih iznenađenja koja predstavljaju sigurnosnu prijetnju, neophodno je uspostaviti međuopštinsku i regionalnu saradnju u ovoj oblasti.

Shodno činjenici da su u izazovi, potrebe i problem u ovoj oblasti istovjetni kada su u pitanju lokalne samouprave na prostoru Sandžaka, potrebno je uspostaviti jedinstven sistem zaštite i spavanja formiranjem Regionalne službe civilne zaštite.

Uspostavljanje regionalne i međuopštinske saradnje predstavlja značajan korak ka prilagođavanju i približavanju standardima Evropske unije.

Uspostavljanje regionalne saradnje u oblasti civilne zaštite, zasnovane na principima dobrovoljnosti, solidarnosti, efikasnosti i zakonitosti jača kapacitete i pruža veće mogućnosti lokalnim samoupravama da svojim građanima pruže veći i efikasniji nivo zaštite.

Grad Novi Pazar kao politički, ekonomski, kulturni i obrazovni centar Sandžaka ima obavezu da bude inicijator osnivanja i uspostavljanja sandžačkih regionalnih institucija a naročito institucija koje su od vitalnog značaja za sveukupnu sigurnost građana.

Donošenjem ove odluke uspostavlja se dugoročan, održiv i efikasan regionalni sistem civilne zaštite.

Objašnjenje pojedinačnih rješenja propisanih odlukom:

Član 1: Utvrđen je predmet odluke.

Član 2: Utvrđene se lokalne samouprave kojima će se ponuditi suosnivanje Regionalne službe civilne zaštite.

Član 3: Utvrđena je obaveza Gradonačelnika da uputi poziv jedinicama lokalne samouprave da pristupe Regionalnoj službi civilne zaštite.

Član 4: Propisana je obaveza nadležnog odeljenja Gradske uprave da izradi prijedlog Sporazuma o o uspostavljanju Regionalne službe civilne zaštite.

Član 5: Propisana je sadržina Sporazuma o uspostavljanju Regionalne službe civilne zaštite.

Član 6: Propisana je obaveza objavljivanja u “Službenom listu grada Novog Pazara”.

Finansijska sredstva za realizaciju odluke:

Finansijska sredstva za realizaciju ove odluke obezbijediće se u budžetu grada Novog Pazara.